

漢魏六朝百三家集

庾開府集

北周二人

江苏工业学院图书馆
藏书章

壽考堂藏板

第七十册

庾開府集題詞

周滕王適序庾開府集云子山妙擅
文詞尤工詩賦誄潘安而碑蔡邕箴
楊雄而書阮籍也稱重至矣庾氏家
世南陽聲譽獨步子山父子出入禁
闈爲梁文人崔航之戰倒徒先奔違

才易務任非其器後羈長安臣于宇
文陳帝通好請還終留不遣雖周宗
好士滕趙賞音築宮虛館交齊布素
而南冠西河旅人發嘆鄉關之思僅
寄于哀江南一賦其視徐孝穆得返
舊都奚啻李都尉之望蘇屬國哉子

山在梁每一文出京都傳誦初使北方人頗輕之讀枯樹賦始知敬重盛名易地橘枳改觀難爲淺見寡聞者道也史評庾詩綺豔杜工部又稱其清新老成此六字者詩家難兼子山備之玉臺瓊樓未易幾及文與孝穆

敲體辭生于情氣餘於彩乃其獨優
令狐謨史詆爲淫放輕險詞賦罪人
夫唐人文章去徐庾最近窮形寫態
模範是出而敢于毀侮殆將諱所自
來先縱尋斧歟

婁東張溥題

庾開府集序

滕王宇文道撰

蓋聞五聲調應，則宮徵成其文，八音克諧，則絃管和其韻。所以周南召南之篇，爲風人之首。小雅大雅之作，寔王政之由。復有陽春白雪之唱，郢中之曲，彌高。秋風黃竹之詞，伊上之才，尤盛。遂能弘孝敬，叙人倫，移風俗，化天下，兼夫吟詠情性，沉鬱文章者，可畧而言也。開府司宗中大。夫義城公庾信，字子山，南陽新野人也。若夫有

周之嘗掌庾源其得姓。皇晉之代大尉闡其宗譜。烏奕氤氲布在方冊。國史家牒世並詳焉。八世祖涌散騎常侍領大著作遂昌縣侯祖易徵士隱遁無悶確乎不拔宋終齊季早擅英聲父肩吾散騎常侍中書令文宗學府智囊義窟鴻名重譽獨步江南信降山岳之隆緼烟霞之秀妙善文詞尤工詩賦誄奪安仁之美碑有伯喈之情箴似揚雄書同阮籍綺年而播華譽懿歲而有俊名孝性自然仁心獨秀忠爲令德言及

文詞穿壁未勤，映螢逾甚。若乃德睚兩禮，韓魯四詩。九流七略之文，萬卷百家之說。名山海、上金匱、玉版之書。魯壁、魏墳、縹帙、緗囊之記。莫不窮其枝葉，誦其篇簡。豈止仲任一見之敏，世叔五行之速。年十五侍梁東宮講讀，雖桓麟十四之歲，答宿客之詩。魯連十二之年，杜離堅之辨。匪或斯尚。同日語哉。玉墀射策，高等甲科。公孫金馬之貴，仲舒鴻漸之日。未能連類，曾何足云。解褐授安南府行參軍，尺木未階，高衢方騁，尋

轉尚書度支郎中。夜不離閣。無愧於黃香。開霧
覩天。真同於樂廣。仍爲郢州別駕。刺史之半。驥
足斯展。於昔江路有賊。梁先主使信與湘東王
論中流水戰事。醜徒聞其名德。遂卽散奔。深爲
梁主所賞。蓋善戰者不陣。此之謂乎。兼通直常
侍。使于魏。上接對有才辨。雖子貢之旗鼓陳說。
仲山之專對智謀。無以加也。還本國爲正員郎。
職位清顯。以望以實。又爲東宮領直。春官兵馬。
並受節度。龍樓蘭錡。寵寄逾隆。值侯景篡逆。攻

圍淮海建康宮殿。非無流矢之兵。丹陽帝居。遂
有生荆之痛。出往。上流來歸。金楚於昔州。后卽
湘東王。封豕旣誅。長蛇受戮。湘東有雪耻之功。
淮海有勤王之旅。同少康之復夏。若太戊之紹
殷。卽於荆江。驟置文物。復爲梁後主。蕭繹御史
中丞。中興司直。具瞻斯在。貴戚歛手。豪族屏氣。
遷散騎常侍。右衛將軍。豐貂右珥。戎章再徙。阮
籍非好之職。鄭默叅乘之官。著德廊廟。切問近
對。拜武康縣開國侯。開國承家。信圭是執。河帶

山礪貽厥于后卽以本官奉使大國光華重出
原隰再來太祖夾輔魏朝作相關右三分有二
九合一匡德邁晉宣雄逾魏武功高網地道映
在田一見子山賜識如舊屬我太祖獻策魏帝
命將荆衡尋值本朝青蓋入洛於是捨節入仕
乃沐霸恩改授使持節車騎大將軍儀同三司
戎號光隆比儀台鉉高官美宦有踰舊國又遷
驃騎大將軍開府義成公王沉晉代始授此榮
黃權魏昔首膺斯命降在季世秩居上品爵爲

五等榮貴兩朝出爲弘農郡守職實剖符寄深
分竹佩犢帶牛有侔龔遂棠枝麥穗無謝張堪
入爲司憲中大夫帥掌三勅之法助宣五禁之
書秋府得人於斯爲盛出爲洛州刺史德茂褰
帷才膺刺舉吏不敢賄人不忍欺上洛童兒如
迎郭伋商山故老似值劉弘復爲司宗中大夫
總轄禮府佐治春卿辨九拜之儀教六詩之義
自梁朝筮仕周世驅馳至今歲在屠維龍居淵
獻春秋六十有七齒雖耆宿文更新奇才子詞

人莫不師教。王公名貴。盡爲虛襟。加以冥心資
敬。篤信天倫。孝實人師。刑推士則。愠喜不形于
色。忠恕不離于懷。矜簡儼然。師心獨往。似陸機
之愛弟。若韓康之養甥。環堵之間。怡怡如也。太
祖所知。江陵名士。惟信而已。綢繆神遇。造次推
恩。明帝守文。偏加引接。武皇英主。彌相委寄。密
忽王事。多歷歲年。自携老入關。亟移灰琯。蒸蒸
色養。勤同扇席。及丁母憂。袂而後起。病不勝哀。
青鸞降窟。樹之祥。白雉有依欄之感。晉國公廟。

期受托爲世賢輔，見信孝情，毀至每自憫嗟。嘗
語人曰：「庾信南人羈士，至孝天然。居喪過禮，殆
將滅性。寡人一見，遂不忍看。其至德如此，昔在
陽都有集十四卷，值太清罹亂，百不一存。及到
江陵，又有三卷，卽重遭軍火，一字無遺。今之所
撰，止八魏已來。爰洎皇代，凡所著述，合二十卷，
分成兩帙。余與子山風期款密，情均縞紵，契比
金蘭。欲余製序，聊命翰札，幸無愧色，非有綢繆。
方當貽範縉紳，懸諸日月焉。」

庾開府集目錄

卷之

賦

三月三日華林園馬射賦 有序

哀江南賦 有序

傷心賦 有序

小園賦

春賦

七夕賦

蕩子賦

竹杖賦

叩竹杖賦

象戲賦

鏡賦

燈賦

對燭賦

枯樹賦

鴛鴦賦